



REPUBLICA E KOSOVES
REPUBLIKA KOS
QENDRA PËR SHËRBIM TË QY.
CENTAR ZA USLUGU GRADANA

Sh. 02 Nr. 2332
U. Br.

Nr. i faq. 4 Data: 30/01
Br. str. Datum: 2025
KAMENICË/A



MARRËVESHJE BASHKËPUNIMI

NDËRMJET

KOMUNËS SË KAMENICËS

DHE

SHOQATËS “RENEANSANSA” PËR PÛRKRAHJEN E LUFTËS KUNDËR KANCERIT TË GJIRIT

Neni 1 Palët e Marrëveshjes

Kjo Marrëveshje Bashkëpunimi është lidhur ndërmjet:

1. Komunës së Kamenicës, me adresë Rr. Skenderbeu, e përfaqësuar nga Drejtoresha e Zhvillimit Ekonomik në Komunën e Kamenicës, znj. Burbuqe Leka, (në tekstin e mëtejshëm: "Komuna"), dhe
2. Shoqatës “Renesansa” për Përkrahjen e Luftës Kundër Kancerit të Gjirit, me adresë Rr. Kadri Gjata, Kati 2, Nr. 8, Prishtinë, e përfaqësuar nga Kryetarja znj. Violeta Pirana (në tekstin e mëtejshëm: "Shoqata").

Neni 2

Qëllimi i Marrëveshjes

Qëllimi i kësaj Marrëveshjeje është të mbështetet Shoqata “Renesansa” për të promovuar sensibilizimin, parandalimin dhe trajtimin e kancerit të gjirit për gratë dhe vajzat e Komunës së Kamenicës, duke siguruar mbështetje të arsyeshme financiare dhe logjistike.

Neni 3

Fushat e Bashkëpunimit

Palët angazhohen për:

- 3.1. Organizimin e fushatave të informimit dhe edukimit publik mbi kancerin e gjirit.
- 3.2. Sigurimin e hapësirave publike për aktivitetet sensibilizuese dhe trajnimet.
- 3.3. Mbështetjen logjistike dhe financiare të Shoqatës, bazuar në kapacitetet buxhetore të Komunës.
- 3.4. Organizimin e kontrolleve mjekësore falas në bashkëpunim me institucionet shëndetësore lokale.

Neni 4

Obligimet e Palëve

4.1. Obligimet e Komunës:

- 4.1.1. Të mbulojë shpenzimet e anëtarësimit për 35 gra dhe vajza të Komunës së Kamenicës në Shoqatë, ku kostoja e anëtarësimit është 30 euro për një të anëtarësuar, megjithatë ky numër mund të rritet pasi mund të përfshihen edhe më shumë anëtarësime në varësi të interesimit.
- 4.1.2. Të mbështesë financiarisht aktivitetet kryesore të Shoqatës, duke parë prioritetet vjetore.
- 4.1.3. Të sigurojë hapësira publike pa pagesë për aktivitetet sensibilizuese dhe edukative.
- 4.1.4. Mbështetje për transportin e pacientëve në pjesëmarrje të konferencave dhe për aktivitete kur është e nevojshme.

4.1.5. Të promovojë aktivitetet e Shoqatës përmes kanaleve të komunikimit të Komunës.

4.2. Obligimet e Shoqatës:

4.2.1. Të organizojë aktivitete edukuese dhe informuese për parandalimin dhe trajtimin e kancerit të gjirit.

4.2.2. Të ofrojë shërbimet falas të përcaktuara në Nenin 3, brenda kapaciteteve ekzistuese të Shoqatës.

4.2.3. Të hartojë raporte periodike mbi aktivitetet e realizuara dhe të raportojë në Komunë.

4.2.4. Të bashkëpunojë me institucionet lokale shëndetësore për kontrollet mjekësore falas.

4.2.5. Mbështetje për transportin e pacientëve në pjesëmarrje të konferencave dhe për aktivitete kur është e nevojshme.

4.2.6. Sigurimi i pajisjeve ndihmëse (p.sh., proteza, paruke dhe brusa pas mastektomisë), për pacientët në nevojë.

Neni 5 Koordinimi mes Palëve

5.1. Palët do të krijojnë një linjë të përhershme komunikimi për të siguruar zbatimin e marrëveshjes.

5.2. Do të organizohen takime të rregullta (të paktën dy herë në vit) për të vlerësuar progresin e aktiviteteve dhe për të adresuar sfidat.

Neni 6 Konfidencialiteti

Palët janë të obliguara të ruajnë konfidencialitetin e të dhënave dhe informatave të ndara gjatë bashkëpunimit.

Neni 7 Kohëzgjatja e Marrëveshjes

Kjo Marrëveshje hyn në fuqi në ditën e nënshkrimit dhe mbetet në fuqi për një periudhë prej 1 viti, me mundësi zgjatjeje pas rishikimit dhe miratimit nga të dyja palët.

Neni 8
Ndryshimi dhe Përfundimi i Marrëveshjes

- 8.1. Marrëveshja mund të ndryshohet vetëm me miratim të ndërsjelltë me shkrim nga të dyja palët.
- 8.2. Cilado nga palët mund ta përfundojë marrëveshjen me njoftim të shkruar paraprak prej 30 ditësh.

Neni 9
Zgjidhja e Mosmarrëveshjeve

Çdo mosmarrëveshje që lind gjatë zbatimit të kësaj Marrëveshjeje do të zgjidhet me negociata të drejtpërdrejta. Në rast të dështimit të negociatave, mosmarrëveshjet do të dërgohen për zgjidhje në instancat kompetente ligjore.

Neni 10
Kopjet e Marrëveshjes

Kjo Marrëveshje hartohet në dy (2) kopje origjinale fizike, nga një (1) për secilën palë.

Neni 11
Hyrja në Fuqi

Kjo Marrëveshje hyn në fuqi në ditën e nënshkrimit.

Palët nënshkruese
Kamenicë, datë 30 Janar 2025

Shoqata Renesansa

znj. Violeta Pirana



Komuna e Kamenicës

znj. Burbuqe Leka

